

Mandinka - Kiisoo Kitaabu Senunjo - Salvation Scriptures

Efesusinkoolu 2:2 ali taamata menu la siloo la. Wo waatoo la, ali bulata ñij duniyaa kuwolu nooma, ali ye maralilaa le nooma, meñ semboo be maraloo la foñoo kono. Wo mu nooroo le ti, meñ be dookuwo la moolu kono, menu mañ soñ Yehowa ma.

Matiyu 6:10 I la mansabaayaa si naa, i la lafoo si ke duniyaa kono ko a be Arijana kono ñaameñ.

Luka 22:42 A ñoyita jee ka duwaa ko, "M Faamaa, niñ i la lafoo le mu, ñij tooroo mindaño bondi nte bulu. Hani wo, nte la lafoo kana ke, bari ite la lafoo si ke."

Yohana 16:7-9 Bari ña tooñaa le fo ali ye ko, a beteyaata ali to le, nte ye taa.

Kaatu niñ m mañ taa, Deemaarilaa te naa la ali kañ, bari niñ n taata, m be a kii la ali ye le. 8 Aduñ niñ a naata, a be duniyaa la boyidaa yitandi la le, meñ be dendij junuboo, tiliñ niñ kiitiyo la kuwolu to. 9 A be duniyaa kalamutandi la junuboo la kuwo la le, kaatu moolu mañ laa nte la.

2 Timoti 2:10 Wo kamma la, n ka wakiili kuwolu bee le la moo tombondijolu la kuwo kamma la, fo ï fanaa si kiisoo soto Kiristu Yeesu kono, anij a la badaa-badaa kallankeeyaa.

Roomankoolu 15:20,21 bari ña ñij ne kummaayandi, ka kawandoo ke dulaalu doron to, menu mañ Kiristu loñ foloo. Niñ wo nte, m be ke la le ko kewo meñ ye a la buñ loo wandi fondamaño kañ. 21 A be safeerij ñij kuwo to le ko: "A la kuwo nene mañ fo moolu menu ye, ï be a je la le, menu nene mañ a la kibaaroo moyi, ï be a fahaamu la le."

Kiilaalu 2:36,37 "Wo to, tooñaa, Banisirayilankoolu bee si a loñ ko, ñij Yeesu, ali ye meñ pempenj, Yehowa ye a ke Maariyo niñ Alimasiihu le ti." 37 Kabirij moolu ye ñij moyi, ï niyo toorata baake. Bituj ï ko Pita niñ kiilaa doolu ye ko, "M baadiñolu, ñiñanta muñ ne ke la saayij?"

Hiburunkoolu 4:2 Tooñaa, kibaari betoo kawandita ñiñ ye le ko a keta wo alifaalu ye ñaameñ, bari itolu ye kumoo meñ moyi, wo mañ nafaa soto ï ye, baawo ï mañ a muta niñ lannoo la.

Yeremiya 24:7 - Matiyu 22:37 Bituj Yeesu ye a jaabi ko, "I si Maariyo, i la Yehowa kanu i sondomoo bee la, i niyo bee la, anij i hakiloo bee la.

Kiilaalu 16:14 Musu doo meñ too mu Lidiya ti, a ye i lamoyi ñiñ na jee. A ka bayi wuluyeloo le waafi. A bota Tiyatira saatewo le to, aduñ Yehowa ñaasilanna le mu a ti. Maariyo ye a sondomoo yele ka soñ kumoolu la, Pawulu ye menu fo.

Matiyu 13:14-16 Annabilayi Yesaya la kumoo timmata ï la kuwo to le, a ye meñ fo ko: 'Ali be lamoyiroo ke la le, bari ali te a fahaamu la. Ali be juubeeroo ke la le, bari ali te feñ je la. 15 Kaatu ñij moolu sondomoolu bee jaata le. ï buka moyiroo ke noo baake ï tuloolu la, aduñ ï ye ï ñaalu biti le. Niñ wo nte, ï be jeroo ke la ï ñaalu la le, ï ye moyiroo ke ï tuloolu la, aduñ ï be fahaamuroo ke la ï sondomoolu la le ka naa muru nte kañ, fo n si ï kendeyandi.' 16 "Bari barakoo be alitolu ñaalu niñ ali tuloolu ye le, kaatu ali ye jeroo ke le, anij ali ye moyiroo ke le fanaa.

Yesaya 6:9,10 - Kiilaalu 28:27 Kaatu ñij moolu sondomoolu jaata le, ì tuloo kuyaata le ka moyiroo ke, aduñ ì ye ì ñaalu biti. Niñ wo nte, ì si jeroo ke niñ ì ñaalu la, ì ye moyiroo ke niñ ì tuloolu la, ì ye fahaamuroo ke niñ ì sondomoolu la, aduñ ì si muru n kañ fo ì si kendeyaa.'

Maaka 4:11,12 A ko ì ye ko, "Yehowa la mansabaayaa kulloo diita alitolu le la ka ì ion, bari bantalankoolu ye, kuwolu bee be maaborij mansaaloolu le kono. 12 Wo kamma la, 'ì si juubeeroo ke, bari ì buka jeroo ke. Ì si moyiroo ke, bari ì buka fahaamuroo ke. Niñ wo nte, ì be muru la le ka bo sila jawoo to, aduñ ì la junuboolu be yamfa la.' "

Yohana 12:39,40 Annabilayi Yesaya la kumoo timmata le, kaatu ì mañ laa noo. A ye ñij fanaa fo wo kuwo to le ko: 40 "Yehowa ye ì ñaalu finkindi le, a ye ì sondomoolu suki, fo ì kana fahaamuroo ke, sako ì si jeroo ke ì ñaalu la, fo ì si muru n kañ ka ì kendeyandi."

Roomankoolu 11:7,8 Wo to, Banisirayilankoolu ka menj ñini, ì mañ wo je. Tomboj moolu menu be ì kono, wolu doroj ne ye a je, bari doolu sondomoolu bambanta le 8 ko a be safeeriñ ñaamenj: "Yehowa ye yaamoo nooroo dii ì la, ñaalu menu buka jeroo ke noo, aduñ tuloolu menu buka moyiroo ke, hani fo bii luñjo la."

2 Tesalonikankoolu 2:10,11 Moolu bee menu be kasaara la, a be ì neenee la niñ neeneeri jawu siifaa bee le la, kaatu ì balanta le ka tooñaa kanu, menj si ì kiisa. 11 Wo kamma la, Yehowa ye neeneeri sembemaa baa le kii ì kañ, fo ì si laa faniyaa la.

Matiyu 13:18-23 "Saayij, ali fiirilaa la mansaaloo kotoo lamoyi. 19 Niñ moo menj ye mansabaayaa kumoo moyi, aduñ a mañ a fahaamu, Seetaanoo si naa a buusi a la, menj fiita a sondomoo kono. Ñij ne mu kesoo ti, menj jalonta moolu la tambidulaa to. 20 Menj jalonta beroolu kañ, wo ka moo la kuwo le yitandi, menj ye kumoo moyi, aduñ wo loo niñ baroo teema a seewoorinjo ye a muta. 21 Bari bayiri kumoo mañ suloo duñ a sondomoo kono, a si muña fo waatindij. Niñ bataa niñ koleyaa kuwolu naata a kañ kumoo kamma la, jee niñ jee doroj, a si badali. 22 Menj jalonta ñaniñolu kono, wo ka moo la kuwo le yitandi, menj ye kumoo moyi, bari duniyaa la bataa kuwolu niñ naafuloolu ñaaboo ye kumoo dete a kono. Bituj kumoo mañ naa nafaa soto. 23 Bari menj jalonta banku betoo kañ, wo ka moo la kuwo le yitandi, menj ye kumoo moyi, aduñ a ye a fahaamu. Wo kesoo le ka faliñ ka diñolu bondi, doolu siidulaa keme, doolu siidulaa tañ wooro anij doolu siidulaa tañ saba."

2 Korintinkoolu 3:15,16 Tooñaa, hani ka bii, niñ Musa la Kitaaboolu karanta, wo muurilaño ka tara laarij ì sondomoolu kañ ne. 16 Bari niñ moo menj naata Maariyo kañ, muurilaño be bondi la wo kañ ne.

Hoseya 11:3-7 - Matiyu 11:28-30 Ali naa nte kañ, alitolu bee menu ye bataa soto anij duni kulinjo. M be ali dahandi la le. 29 Ali n na yookoo duni anij ali kuwolu karañ m bulu, kaatu ña tenkuñjo niñ fammajiyo soto n sondomoo kono le, aduñ ali niyolu be dahaa la le. 30 Kaatu n na yookoo sooneeyaata le, aduñ n na dunoo mañ kuliyyaa."

Kiilaalu 26:18 I si ì ñaalu yelendi fo ì si bo diboo kono ka naa maloo kono, ka bo

Seetaanoo la maraloo kono ka naa Yehowa kañ. Wo to le ì be junube yamfoo soto la, anij niyo moolu kono, mennu naata seneyaa kaatu ì laata nte la.'

- 2 Timoti 2:24-26 Maariyo la dookuulaa mañ ñañ na ke la sonkamoo ti, bari a ñanta sooneeyaa la moolu bee le fee. A ñanta ke la moo le ti, meñ si karandiroo ke noo, anij meñ ka muña a mooñoo ye. 25 Moolu mennu balanta a ma, a ñanta ì la boyidaa yitandi la ì la mooyaa le kono. Tumandoo Yehowa si siloo dii wolu la le ka tuubi fo ì si naa tooñaa loj, 26 adun ì si kana noo Ibiliisa ma, meñ ka ì tu mutoo kono a la kutindiño la fo ì si ate la lafoo ke.

Lankenemoo 3:17-19 Ite ko, i fankata le, i ye ñaatotaa soto, adun ì mañ suula feñ na. Ite moo mantoorariño, i mañ a loj ko, i mu balafaa moo le ti. Ite fuwaarediñ, i mu finkintewo le ti, i kenseño tuta. 18 Wo kamma la, ña i yaamari ka sanoo sañ nte bulu, meñ kuloorita dimbaa la, fo i si ke fankamaa ti. Waramba koyoo sañ nte bulu ka i fañ sutura, fo moolu kana i ñayiboo je, meñ mu malu kuwo ti. Booroo sañ ì ñaaloo ye, i ye a moosi ì bala, fo i si jeroo ke noo. 19 Da moolu mennu kanu, n ka wolu le jalayi, anij n ka ì kuluu. Wo kamma la, hame baa soto, i ye tuubi ka i koo dii i la junuboolu la.

- 2 Korintinkoolu 7:10 Kaatu niñ Yehowa ye i sunundi, wo sunoo ka tuuboo le saabu, meñ ka moo naati kiisoo to. Wo sunoo buka nimisoo saabu. Bari sunoo duniyaa ka meñ dii, wo ka saayaa le saabu.

1 Mansa 18:37 - Yehowa turned heart back to Yehowa

- 2 Korintinkoolu 4:4 Ñiñ duniyaa maralilaa ye itolu lannabaloolu sondomeñaalu suki le fo ì kana maloo je noo, meñ naata ka bo niñ kibaari betoo la Kiristu la kallankeeyaa to, ate meñ mu Yehowa muluño ti.

Luka 8:11-15 "Ñiñ ne mu mansaaloo kotoo ti: Kesoo mu Yehowa la kumoo le ti. 12 Kesoolu mennu jolonta moolu la tambidulaa to, wo ka moolu la kuwo le yitandi, mennu ye kumoo moyi, bari Ibiliisa naata, a ye kumoo buusi ì sondomoolu kono, fo ì kana laa warañ ka kiisa. 13 "Kesoolu mennu jolonta beroolu kañ, wo ka moolu la kuwo le yitandi, mennu ye Yehowa la kumoo moyi, ì seewooriño ye a muta, bari a mañ suloo soto ì sondomoolu kono. ì laata fo waatindiñ doron. Kabirinj marisa kuwo naata, ì badalita. 14 Kesoolu mennu jolonta ñaniñolu kono, wo ka moolu la kuwo le yitandi, mennu ye kumoo moyi, bari baluwo la bataa kuwolu niñ naafuloolu ñaaboo anij niidiyaa kuwolu ka kesoolu dete le, adun ì dijolu buka moo. 15 Bari mennu jolonta banku betoo kañ, wo ka moolu la kuwo le yitandi, mennu ye kumoo moyi, ì ye a muta sondome betoo la, meñ tilinta. Wolu le ka dij betoo dij muñoo kono."

Kiilaalu 15:11 Bari ntolu laata le ko, ñ kiisata ka bo niñ Maarii Yeesu la hiinoo le la ko itolu be ñaamenj."

Roomankoolu 8:13 Kaatu niñ ali ka baluu ka wo hame kuwolu nooma, ali be faa la le, bari niñ ali baluuta ka Yehowa la Nooroo nooma, Nooroo le ka balajaatoo la hame kuwolu kasaara, adun ali be baluu la le.